

先秦—清末



《中國野史集成》編委會

四川大學圖書館

編

中國野史集成

錢謙題



《中國野史集成》編委會
四川大學圖書館 編

	中
集	國
成	野
30	史

先秦—清末

巴蜀書社

目錄 (第三十冊)

灤瀕囊	一
明末清初雅安受害記	五八
客滇述	六七
子遺錄	七七
甲申紀事	九七
再生記略	三六五
遇變紀略	三八五
崇禎甲申燕都紀變實錄	三九五
甲申三月忠逆諸臣紀事	三九六
國變難臣鈔	三九七
中州戰略	三九九
圍城日錄	四四八
甲申傳信錄	四五八
滄州紀事	四九八
崇禎甲申保定城守紀略	五〇八
董心葵事記	五一二
誠闖小史	五一七

甲乙事案	五六三
先撥志始	六二四

澠瀨囊

五卷

沙園



忠	璣	戊
堂	流	寅
重	黃	季
校	氏	春
刊	濟	月

澠瀨囊原序

亂不生於亂而生於治治不生於治而生於亂治亂相尋理也數也獨巴蜀哉不大亂則不大治以予所見質予所聞數之否者莫若明季禍之慘者莫若巴蜀我生不辰丁滇藩之變襁褓於湯火之中十載而烽烟始靖回思疇昔之日潛蹤歛跡於豹窟虎穴中亦岌岌乎殆矣詎知流賊之變更有甚焉曾見二三父老聚飲一堂述其亂離之况聞者莫不心胆墮地或老而剝削者會遭搖黃劫者也或老而缺左右手者會遭張獻忠劫者也嗚呼亦慘矣然第知其畧也

澠瀨囊原序

未得其詳丙午夏壁州文學李輝緒余同門友也因試至保出其篋中澠瀨囊若干卷謂余曰此先大人苦心數十年所采輯而成焉者子其筆削以公諸世先大人心志得不埋沒則子之賜矣言訖再拜余辭不獲因拜而受之窺其顛末始崇禎六年迄康熙二年其間世運否泰民生休戚以及忠孝節烈雖死猶生靡不瞭於指掌嗚呼李生可謂婆心矣獨蜀省遼廓有所及聞必有所未及聞者有所及見必有所未及見者迹其所載忠烈生離死別粉身碎骨肝腦塗地視父老之言更詳且悉要亦不過囊括全川之大

客耳讀之令人眦裂髮指當時之志士仁人吞聲飲恨更當何如者邪讀肅王之奉

命取殘也而爲之一快讀太保李公之鋤暴安民也爲之又一快洎乎奮威將軍之戰勝攻取勇畧將軍之卷甲輶戈也雖曰人事詎非天意哉就其中記敘采之風聞或名實非據得諸稱述或詳畧非宜甫也不揣固陋詳加討論宛爲修飾務俾質而不俗簡而能該芟鄭楚禎之編次疑小說也仍石子厚之跋文諸大義也他日輶軒下采灋瀨囊雖森枝野說與於國史詎無小補乎哉是爲序

灋瀨囊原序

二

雍正元年桂月之望日嘉川逸叟劉承莆堯草氏書於紫青山麓之樂道堡

灋瀨囊卷一

通江李馥榮錦山編輯

嘉川劉承莆堯草參訂

鐵嶺鳴謙牧葦氏

鐵嶺鳴詩吟舫氏 較刊

天彭歐陽鼎晴峯同訂

雙流黃啟禎致祥重刊

搖天動黃龍寇巴蜀

治平之世時和年豐大臣激濁揚清郡宰奉公愛民海宇赤子無金革之駭其目無飛輓之勞其身卽有

灋瀨囊卷一

一

灾疫可療以藥餌豈無饑饉可糴於鄰封也若夫否泰相乘慘罹劫運雨暘弗協流寇猖狂荼毒四方廟堂鮮安邦之策彌場乏禦侮之才君旣宵旰靡寧民且旦夕莫保粵稽史冊旁及稗乘荼毒之取慘無如巴蜀矣盜賊之後繼以虎狼凶荒之餘因之疾疫是以骨積如山血流成水雖曰天數其實禍亂之滋果出於無因與明運將終天啟寵任閭宦魏忠賢親若腹心加以乳母客氏奸黨崔呈秀等夤緣朋比表裏爲姦當時忠良骨骸之臣如楊漣左光斗諸君子相繼死於非命視唐代閹宦之禍爲更烈迨夫天啓升

遐信王卽位改元崇禎帝雅勵精圖治欲復有明章
程力除奸黨稗政灼見忠賢之奸不動聲色守陵之
命甫行緹騎之旨隨下忠賢雖自經驛館必梟首以
快天下之心維時內外坐忠賢黨者各擬罪有差然
而蜀地之物怪人妖實自茲始蜀自成化以後鼠竊
之徒雖所在多有如曹甫作亂於江津劉烈爲梗於
保寧藍四藍五樊龍樊虎張進忠張進孝及土官楊
應龍奢崇明輩相繼爲寇民間早苦焚劫晚困轉輸
然而隨起隨滅倏危倏安未爲甚也崇禎四年辛未
陝西大旱延安尤饑民至相食米脂縣賊李自成混

灤潁囊卷一

二

名閩王安定縣賊張獻忠混名八大王則魁渠也餘
若羅汝才混名曹操老猢猻過天星掃地王黑煞神
邢紅郎扒山虎撞破天一條龍蝎子塊破甲錐上天
猴小紅郎四天王八金剛滿天星一斗粟搖天動黃
龍及北斗奎木狼等本無賴飢民不過哨聚山陝而
已崇禎六年癸酉河北流賊乃有由湖廣入巫巴界
者時撫軍董檄石柱司女官秦良玉守巫山三滙鋪
當賊來路賊偵知三滙有兵因問道出官兵後攻陷
巫山三月陷夔府劫大寧大昌新寧不數日賊陷四
城踞夔府窺梁山矣邑鄉宦涂原同萬縣土官調龍

王壩白杆子土兵三千人合鄉勇據險遮賊賊攻白
兔亭鄉兵以高擊下賊死傷甚眾俘賊三十二人訊
之則渠魁奎木狼也自河北走河南歷襄陽荊州破
宜都分爲二一走胭脂壩趣夷陵一由小河走長陽
約日渡江取歸州欲奔四川時因屢敗尙不敢與鄉
兵戰越萬縣梁山達州直至太平縣始攻城秦良玉
統兵救之圍解巡撫劉漢儒會同巡按黨從雅題請
用涂原以蜀人練蜀兵旣知地利復諳戰守賊可蕩
平時不能用賊遂由太平經長茅嶺劫通江虜縣令
石成恩有邱奎者迎賊戰於二里山眾寡不敵死之

灤潁囊卷一

三

賊捨通江遂趣巴州直抵保寧所過焚劫時巡按劉
宗祥臨聞中偕川北道夏時亨推官張一鶚提調屯
兵守城備禦有方戰不輕敵守不疎虞賊解圍去攻
廣元城凡七日賊多死傷者又懼保寧援兵遁出二
郎關北走漢羌此流寇入川之始也初犯蜀時賊首
搖天動黃龍二賊遂號搖黃後分爲三十家如整齊
王張顯遵天王袁韜逼反王劉維明黑虎混天星王
高奪食王王友進邢十萬扈九思黃鶴子景可勤震
天王白蛟龍順虎混天星梁時政暨王光興楊秉允
陳琳等賊黨日眾矣賊中謂其首日掌盤子其次曰

領哨民曰毛狗民婦曰婆姨殺人曰折割鎮人曰帶線分財曰攜獲埋伏曰卞子紫營曰皮樂巡走曰落草語甚鄙俚不堪盡述往來劫掠民間始立寨砢扶老幼以避賊承平日久民不知兵有何禦守之法利於賊者無聊窮人背主黠僕賊與此輩氣味相投或遇平日濟人飢寒之家善御奴僕之主此時虜入營中還有人代爲方便少受磋磨若平日准人子女謀人田產不恤僮僕飢寒勞苦之戶此輩乘此機會利於投賊賊亦利其內應寨砢一破恣所欲爲剔目割耳剿鼻截舌斷手斷脛剝膚抽腸甚之貫小兒於矛

灤源囊卷一

四

上投活人於湯火視其顛連躓路羣用爲戲兒惡慘毒有筆不能盡書者崇禎七年甲戌蜀中兩友三月掃地王過天星一斗粟等領賊二萬山寧羌入廣元總兵張爾奇檄副將張令駐兵中子舖以禦之賊偵知有備由間道攻劍州下之爾奇聞劍州陷遣副將賈登聯莫宗文策救登聯等兵敗賊乘勝追逐適遇爾奇援兵遂奔百丈關爾奇飛報成都巡撫劉檄敘州府總兵侯良柱領永遵兵協勦鎮元營都司陳王謨領兵赴巴州聞南江已陷兵至通江偵賊出沒知賊將出攔頭河王謨截戰於板橋口賊走觀台山官

兵隨之王謨恃勇單騎擊殺賊傷甚眾已而王謨復逐賊賊轉戰圍玉謨於泥澗中馬陷王謨戰死官兵大敗通江令石成恩棄城遁賊入城焚廬舍遂入川東良柱乃抵通江招民復業良柱所統兵皆慣喫菸初異之邑人喫烟蓋自此始賊至川東所攻郡縣勢如破竹陷大昌縣令某着冠帶坐堂上罵賊死破夔州府署府事同知何罵賊死巡撫劉漢儒督軍勦賊賊由間道突出前後夾攻追巡撫於大昌城下知縣陳俊之領鄉勇救援力戰城東擒賊四十五人賊始遁川東所屬郡邑各練鄉勇兼調龍王壩土兵三千

灤源囊卷一

五

人令譚大孝統領駐城中候調援勦巡撫檄各州動庫銀備軍器團練鄉兵遇賊出沒奮力合擊值賊敗走協力追勦由是流賊畏懼兼以囊橐充裕各有歸志蜀患少寧崇禎八年乙亥賊眾數萬自達州走南江廣元出朝天關抵寧羌與漢中官兵戰於萬壩驛賊敗走陽平關過江投鞏昌而去別有萬餘人寇川東總兵侯良柱遣裨將張鳳祥截賊賊由通江竹浴關走西鄉任村壩星子山歷石泉漢陰諸邑賊各散去自此入川如輕車就熟矣蜀中於流賊出沒之地增設遊擊陞廣元遊擊張令爲副將防守毛浴鎮夔

府總兵溫如珍廣元總兵張爾奇任滿以候良柱代之各另清營伍嚴關隘兼諭遠近居民偵賊時防禦亦頗嚴密矣崇禎九年丙子太平營遊擊譚宏報賊滿天星蝎子塊領賊眾由漁度壩平樂鹽廠兼掠太平巴通諸州縣良柱檄毛浴鎮副將張令合太平營兵守關隘親統大兵自廣元直抵黃城結營以待分遣九元關遊擊張鳳翔偵賊時張令兵駐竹浴關鳳翔兵登碧峯山與賊鏖戰於水羊坪日將暮忽鄉民百餘登高喊聲大震賊疑伏發驚潰官兵追之賊走孟家河追兵蹙至賊奔東林壩張令追兵至又戰敗

灤頤囊卷一

六

之賊奔黃城良柱設伏以待賊望見旗幟轉奔達州礮溪追兵尾之賊遁營渠界之龍王塘官兵追及龍王塘隔澗相拒良柱兵擊賊前軍失利張令馳至賊乃敗走逼營山知城中有備奔舟子山過江寇逢州官兵躡其後賊奔據西充紫岩時天淫雨連十餘日良柱密遣張令冒雨出賊前扼其去路令至潼川界詢土人云桃紅河乃要路也令卽伏兵其處良柱於是擊賊賊果奔桃紅河官兵前後夾擊良柱曰天雨賊飢立功在此一舉與張令合擊賊眾披靡戰久我兵佯敗誘賊賊果來追伏發又合擊之生擒勁賊六

百餘名斬首級千餘蝎子塊滿天星死戰得脫北走梓潼官兵又破之賊走劍州官兵隨之賊望塵而奔遁秦地捷聞加良柱腰玉總兵令都督同知諸將陞賞有差此流賊犯蜀我蜀人遭劫時惟張令侯良柱協力破流賊於桃紅河大功一也

劉堯草曰禍亂之作人事感於下天道應於上明季閭宦當權君子在野小人在位一時豪紳大戶怙侈滅義強凌弱眾暴寡貧者不能自立罔恤飢寒罔念疾苦賤者無以自容以故搖天動黃龍等以閭巷小人揭竿而起其禍滋蔓揆厥所由飢寒

灤頤囊卷一

七

馳之者半雖曰天降喪亂其實借寇兵齊盜糧者豪紳大戶也雖大昌會知川北道善守脫兩院於兵戈而知地利諳戰守能以蜀人練蜀兵者莫如涂原乃劉漢儒黨從雅請之而不能用誰職其咎哉

李自成張獻忠寇巴蜀

崇禎十年丁丑閏四月雅州地震敘州建武所瀘州越嶲衛地震劍州大水入城士民於州堂避水信乎變不虛生也十月李自成混天星過天星等分路寇四川一由黃霸驛攻七盤關一由梨樹口攻廣元一

入土門塔渡白水江時遊擊王朝陽偵賊自晷陽經漢河於十月十九日攻破寧羌抵廣元界眾號十萬行將犯蜀良柱檄增兵守關隘撤餘兵保城池賊隨至城外烏龍山下結連營一十五所每營約有二三千人良柱遣王朝陽等伏兵要道以防攻城賊知有備不敢犯由淺灘過河攻陷昭化縣縣令王時化死之逼蒼溪城百戶陶永祚督屯兵拒守凡三晝夜弓弩矢石賊傷實眾解去走西充射洪大魚渡觀音橋黃土岡焦山驛攻下金堂縣知縣黃之香棄城走典史潘孟科死之其一由劍關者州兵塞石牛道賊不

灤瀕囊卷一

八

能得過良柱統大兵奮擊賊走江口間道突出襲陷劍州知州徐尙卿死之良柱聞劍州失守督大兵進賊移營亂石溝良柱赴之賊佯望梓潼遁良柱至百頃壩賊伏兵四起圍良柱於垓心良柱戰死裨將王朝陽率敗兵突圍退保劍州賊遂歷破梓潼縣州什邡新繁郫縣溫江彭縣官吏望風而逃賊揚兵成都郊外餘賊由陽平者渡白水江破青山衛陷江油執縣令馬宏源彰明羅江德陽漢州官吏俱棄城奔成都百姓遠遁賊所經郡縣洵入無人之境也三路賊先後集成都城下連營二十餘所攻圍間四晝夜巡

撫王維章悉力拒守城不得陷先是維章聞良柱陣亡調王朝陽守潼川再調各路兵集中江古店多張旗幟以爲應援巡按陳廷謨檄副將羅尙文代良柱調永遵兵松茂兵來援旬日眾兵咸集賊退走龍安吉川官兵行追至青塘嶺賊眾已過白碌山趨文縣此間賊犯四川我蜀人遭劫軋之慘也十一年戊寅三月朔日食晝晦如夜歷時方明賊李自成自文縣回陝合老獬等犯河南賊張獻忠羅汝才等方狼狽相倚劫掠州縣至襄陽穀城遇饑荒二賊詐降已而復叛殺御史林鳴球知縣阮之鈿率十萬眾由興

灤瀕囊卷一

九

安湖漢江而上陝提督鄭從僉見賊勢漸大會同楚撫丁啟睿同疏奏聞帝命眾臣督勦而閩臣楊嗣昌請行帝悅十二年己卯八月賜嗣昌督師輔臣銀印及土方劍便宜從事帑金四萬兩賞功銀牌五百面蟒紵緋絹各五百疋九月宴平臺後嚴帝親賦詩有鹽梅暫借作干城之句是時嗣昌陞辭百官祖餞嗣昌攬轡慨然若抱祖述澄清四海之志焉十二月抵巫山節制秦蜀楚三省軍務嗣昌首論文武官及水陸官軍備甲冑器械馬匹舟楫羽檄縱橫遠近悚惕而繪圖懸賞以購獻忠刻西江月一首曰不作安安

餓殍效尤奮臂螳螂往來楚蜀肆猖狂弄兵潢池無狀雲屯雨驟師集蛇豕奔突奚藏許爾軍民鄉來降爵賞酬功上上又榜書能擒張獻忠者賞萬金爵封侯獻忠得圖笑曰營中有獲楊嗣昌者賞銀三錢是時嗣昌移駐雲陽鄖襄道張克儉陝撫鄭從儉總兵羅尙文偵知獻忠自楚走秦蜀接壤郡縣將犯蜀十三年庚辰閏正月嗣昌督各路進兵時羅汝才犯鄖陽張獻忠出紫陽瓦房溝及總兵左良玉戰於高頭壩良玉軍敗時闖踏天等已降來救援大兵復振因說小紅郎降之賊奔太平縣太竹河營於左菴右菴

灝瀨彙卷一

十

良玉駐兵西鄉漁渡壩鄭從儉駐兵通江魚鹿溪獻忠聞鄭左兵至乃移營平漢鄭左逼平溪與賊隔澗而陣遣王祥據大石關督兵會戰賊敗走蒿壩將出皮窩舖總兵方國安提兵扼之賊奔瑪瑙山溪良玉從儉覓鄉導以詢要道其人畫地以示良玉曰賊已入吾穀中矣乃同從儉部署諸將張令素有威名與總兵羅尙文當其前良玉爲右翼從儉爲左翼副將賀人龍李國奇張應元汪雲鳳踵其後副將賈登聯莫宗文領往來遊兵整兵以待獻忠進遇羅尙文張令據險扼其前左值從儉軍右值良玉軍獻忠方欲

應敵而賀李張汪四將協官兵咸集獻忠四面受敵急攀藤葛遁林中溪澗山谷尸骸枕藉旗幟器械棄置如山賊由別路逃竄者又爲賈莫遊兵擒斬殆盡官兵益逼獻忠率勁賊殊死戰得脫是役也生擒四千入斬首萬餘級降者稱是其他弓矢甲冑僭擬之物不可勝計獻忠遠遁此我蜀人遭劫惟張令左良玉協力討賊破賊於瑪瑙山其功二也嗣昌疏爲奏明大捷事臣岩穴陋質樗櫟庸才荷蒙聖眷謬膺台鼎倚之以鹽梅寄之以干城似蚊之負山類蟻之扛鼎蚤夜孜孜惟覆餗是懼賴聖主威靈皇天眷佑殺

灝瀨彙卷一

十

伐用張流寇奔北本年四月內接陝撫鄭從儉總兵左良玉塘報稱太平縣瑪瑙山於二月內大破逆賊張獻忠趕殺三十餘里賊僅以身免所獲獻忠妻妾敖氏高氏及撫子惠兒等七人生擒賊目飛山虎過天龍扒山虎走山飛過天蟒鑽天鶴上得天下得海展翅飛霍宗等招降一根葱老管隊十反王關索景四等斬首掃地王曹威白馬鄧天臺等僞造鏤金虎符文篆天賜靈驗金鞭一支鏤金刀一口篆天賜飛刀虎符篆西營八大王承天澄清川嶽印卜卦金錢三文大令箭十二支小令箭二十支勅賜熊文燦准

招安獻忠書一道所獲騾馬萬餘匹甲冑弓矢斯稱是賴陛下威靈將士用命破賊之日天朗氣清三軍踴躍逆賊釜底遊魚待日而擒矣謹修捷表以聞又疏爲生擒逆黨獻俘事四月十四日副將鄭嘉棟陳希樹搜太平溪林中獲賊六名押解到臣訊之內一人自稱難生劉若愚係黃岡縣生員被獻忠寇湖廣時虜掠營中其人昂視闊步疏誕自若口稱計足縛獻古能撫曹有平治天下之畧欲獻朝廷臣未敢深信旋於隨行中審出獻賊書辦尹曰鳳供伊實獻賊腹心潘獨鰲非劉若愚也囊中搜出白土關阻雨一

灤瀕囊卷一

三

律云秋風白雨聲戰客聽偏驚漠漠山雲合漫漫水平前籌頻共畫借箸待專爭爲問彼蒼者明朝可是晴過清禪寺一絕云三過禪林未開禪紛紛羽檄促征鞭勞臣歲月皆王路歷盡霜華又改年合觀二詩是其向賊稱臣爭先借箸罪惡不在獻賊下也目今獻賊雖竄處山林未遽挈獲然去其爪牙擒其心腹孤豚獷齒海母無蝦走死何之臣特行題報附捷表以聞時左良玉追羅汝才至鄖陽張應元追獻忠至石鼓壩獻忠身爲殿張令與總兵方國安爲聲援奮勇窮追獻忠匿千江河鄭從儉駐太平偵賊忽聞

獻忠困張令於柯家坪已九日矣大兵無水砍野葡萄藤滴汁飲之勢在危急從儉曰張令非可輕棄之將宜刻日進兵以分賊勢隨分布諸將方總兵獨當一面曹左合爲一路賀李合爲一路從儉統大兵督諸將定期破賊會食又召賀李張汪四協密授方畧時六月十一日也黎明大兵齊進獻忠甫欲揮賊應敵而李賀軍由滿月礮而入汪張軍由八臺山而入張令聞援兵大至奮勇直出內外夾擊山谷震動獻賊腹背受敵莫知所措率左右滾岩而遁時大軍雲集十萬有奇各將卒擒斬招降無數張令以三千人

灤瀕囊卷一

三

當賊數萬被圍十三日及其擒獲實倍於他軍獻忠逃匿興歸山中嗣昌疏爲王師異常大捷等事本年六月內據陝撫鄭從儉率領總兵方國安副參賀人龍李國奇張應元汪雲鳳曹變蛟左光先賈登聯莫宗文等大破逆賊張獻忠於柯家坪救出副將張令並士卒三千人四川總兵羅尙文等生擒二千七百餘人斬首三千餘級再據鄖襄道張克儉報稱韓溪寺招降四千餘人皆張應元汪雲鳳賀人龍李國奇等衝鋒破敵之功三據羅尙文報稱我兵追至木瓜溪擒斬三百五十八級四據副將張令報稱張汪二

副將追奔二百餘里至板箱溝掩殺俘斬軍器輜重盡爲我有五據川撫邵捷春報稱招降賊將一隻虎又總兵方國安追擒壯賊七十六婦女小口三十二六據耶襄道張克儉報稱副將李國奇追斬首級二千有餘零賊招降無算七據陝撫鄭從儉報稱獻賊隻身逃走其親子及心腹精壯盡數招降賊入瘦驢嶺現在收捕務要挈獲等情塘報咨來臣愚應接不暇謹摘其大畧飛馳捷表上聞帝大悅敕嗣昌奏上諸將功績下該部進嗣昌爵太子太保進左良玉平賊將軍太子少保諸將論功陞賞有差外賜嗣昌服

灝瀕囊卷一

古

物鞍馬發帑金三萬兩錦幣千端作賞功費行賞敕書於軍前存問一時人民均有太平之望此流賊入川蜀人遭劫又惟張令同鄭從儉等協力討賊破流賊於柯家坪其功三也

劉堯草曰易云長子帥師弟子輿尸嗣昌輕而寡謀愚而善妒乃輿尸者耳而奉命專閫雖有瑪瑙山柯家坪之捷乃張左等各自爲戰非出於嗣昌運籌折衝也遽起玩敵之心寧俟開縣喪師襄陽失守而後知其以國予敵也

張獻忠再寇巴蜀

張獻忠遁匿興歸山中久未出一日突出鹽井張令會方國安王祥軍追戰於木瓜溪賊敗走黃墩官兵斬千餘級俘賊三百名賊走犯大寧參將劉貴擊之犯巫山女官秦良玉率土兵扼險于柏子溪賊渡巴巫河秦翼明同遊擊楊茂選合兵擊賊賊走白羊山倚險爲營官兵以屢勝輕賊獻潛渡巴河襲開縣陷之過天星攻拔鄭家寨副將羅於莘率王虎等逼賊棄輜重走於莘方營土地埡扼衝過天星等賊奔田涂二壩人龍國奇追襲賊賊狼狽合於獻賊賊目小秦王混世王等赴楚降時崇禎十四年辛巳龍安地

灝瀕囊卷一

五

動成都天鼓響陝撫鄭從儉聞賊闖雲開等欲回原檄鄭嘉棟張應元汪雲鳳等設伏於尖山寨次日賊果來攻寨從儉督師逃諸師逃諸軍望見旗幟伏發環向夾攻大破之賊敗襄坪官軍截賊爲二追奔四十里俘賊自來虎等一百七十餘人斬首五百餘級馬匹器械稱是五月賊一條龍破甲錐等率眾由西鄉鹽廠關越太平亦奔合獻賊營總兵羅尙文調知報嗣昌嗣昌嘆曰屢戰屢捷俘斬流賊十去七八而賊勢轉熾爲之奈何會川撫邵捷春統兵二萬駐重慶時協鎮張令與秦良玉遙爲聲援屢破流賊有功

軍中號神弩將軍賊逼夔府嗣昌檄令良玉來援賊聞風遁去巴巫已增張奏凱防守又檄賀李張汪四協由達州策應獻賊暗渡巴霧河突攻雲鳳營雲鳳力戰中流矢卒於巴霧川獻忠遂大猖獗時監軍萬元吉駐兵巫山川撫捷春駐兵大昌捷春用遊擊邵仲光言於上馬渡中馬渡下馬渡增設水寨於觀音岩三黃嶺磨子岩等處臨流築壁嚴兵以守獻忠破觀音岩守將李成文奔嗣昌斬以徇元吉檄張奏凱調諸將守淨壁捷春遣副將羅洪政沈應龍協戰獻忠攻破三黃嶺上馬渡又出竹園坪攻淨壁皆拔之

灝瀨囊卷一

七

所下新隘如破竹捷春責仲光不識地利妄參軍務因而失陷關隘斬於軍前張令分麾諸將守開縣雲陽諸隘羅尙文知會張令王祥赴仙寺嶺會勦曹過鄭嘉棟張奏凱羅萬象羅文元羅於莘等領本兵營於左張應元率常國安同楚兵營於右乃遣國安說曹過降過將應命忽見張令旗幟從谷中直上因罵國安曰爾誘我使我無備暗中使人害我邪欲殺國安國安逃走張令王祥阻其前參將賀勇閬國卿童守信白顯等環向感賊尸骸枕藉斬首千餘級俘男婦五百餘口餘賊潰圍遁此又張令羅尙文討賊破

流寇於仙寺嶺其功四也是役也官軍死傷亦多張令中流矢回營卸甲卒自是官軍不報按張令本土官奢從明部將因苗酋土司樊龍樊虎奉川撫徐可永調赴重慶暗在術士何若海者妄陳禍福勸從明反從明即劫重慶叛去攻貴州朱軍門遣兵大敗從明從明乃歸土司張令陰以艾炙身伏牀服藥從明至其家問之令伏牀頓首謝從明明乃以若海爲丞相使統兵往貴州禦敵令乃白從明願同若海前往從明許之令至貴州部下陳順逆擒若海以獻與朱軍門斬若海疏授令副將令由是屢立軍功爲人忠

灝瀨囊卷一

七

人〇二

朴寡言未嘗自伐其功年逾七十能舉數百鈞弩矢發則敵應弦而斃每出官軍依以爲重敵人聞風股慄使令不死於平流寇也何有無如賁志以歿惜哉令亡流寇乃舉酒相慶於是方國安駐兵梁山羅汝才自郎陽興山奔豐邑坪亦與獻賊合遂攻梁山國安迎戰兵敗奔達州營於郊外捷春督師來援獻忠躡其後捷春兵敗走綿州獻忠陷劍州經廣元欲出寧羌漢中總兵趙光遠賀人龍堅壁於朝天關故賊不得出復由昭化奔川西張應元合楚蜀諸軍邀賊於梓潼官軍小利已而復戰惟裨將曹志耀死戰

僅出重圍張一川等軍皆戰沒捷春國安等復遁走潼川賊遂屠縣州造浮橋直指成都屠戮所過州縣已而知成都有備賊遂掠簡州犯重慶捷春所調官兵列營涪州僅與賊相持然人無固志一戰而土崩瓦解眾軍自潰嗣昌不自引咎乃以捷春喪師辱國論死蜀王及士民力救不獲捷春死以監軍道廖大亨代之監軍萬元吉駐兵保寧繼而移射洪扼蓬溪道嗣昌至重慶以總兵猛如虎統各軍張應元副之分兵守縣州道又欲奪左良玉兵權以賀人龍爲平賊將軍良玉不受代人龍不得職各懷怨望因之戰

灤瀕囊卷一

六

八〇上

不用命賊勢愈熾獻忠復由縣州入中江安岳營於周家場如虎統大兵與賊相持元吉應元營於安岳城遇賊來路分諸將重兵守梓潼獻賊偵知有備別自蓬溪經川西入川南分賊部爲三路賊陷仁壽知縣劉三策死之寧川衛經歷陳冊命子攜印出城以身殉城而死榮縣令孫光烈被虜隆昌令杭爲箕南溪令朱由援皆望風遁賊陷瀘州州牧蘇瓊死之元吉督大兵追賊至瀘州伏勁卒三千人於玉禪寺賊偵知之別由他道狂竄奔永川縣令戴堯雲棄城走元吉如虎復駐兵永川是時士民遠遁官軍營於立

石又分兵營小市相爲接應獻賊復犯成都由漢州德陽渡縣陽河寇鹽亭南部儀隴諸邑十二月晦劫巴州州牧盧爾敦同知張連耀教諭錢相珂死之生員陳世達性至孝以母曾氏年老抱病世達不忍離左右賊入室欲劫曾母達叩首流血願以身代賊義而舍之母子得無恙又有廬生周樸忠女年十六美姿容通文墨城破樸忠夫妻將攜女遠遁女泣曰覆牆之下必無完壁倘有不虞不惟兒身不免兼恐禍及二親懇容兒自盡請父母速圖活計已而火光燭天喊聲震地眾皆逃生女閉門投繯死獻賊聞之插

灤瀕囊卷一

七

八〇下

令箭於門首釋獄囚散庫金適川東而大兵之追者始至賊過達州兵備道馬乾行遣參將劉仕傑遊擊郭開協猛如虎及如虎子猛先捷猛中捷合官兵二萬餘遏賊戰於黑譚鎮獻賊大敗將奔夔州且戰且走諸將逼賊於開縣皇陵城是日天色陰霾風雨不息士傑會諸將曰賊連日潰敗晝不得食夜不得寢飢且疲矣宜此時擊之勿失眾將曰待天雨稍息便於戰關可耳士傑曰吾束髮時單騎擊賊屢建大功今年近四十反不如兒童時也諸軍逗遛吾勿敢也攬甲提戈直取逆賊耳士傑一軍當衝入賊壘賊眾

披靡如虎眾兵亦皆用命但官軍以絲衣觀鐵甲磨戰時又衣甲透溼身重地滑不利步戰賊以馬逞往來迅疾我軍潰敗士傑及郭開李仕忠皆戰死先捷中捷以背相依引弓而射輒應弦而倒賊多矢盡各自刎死如虎率士卒千人僅潰圍而免嗣昌曰悔不聽萬監軍之言致有此敗初元吉曾策分兵爲後勁而嗣昌不納故也十五年壬午監軍萬元吉臨戰場祭陣亡將士哀動三軍收殘卒駐夔門一日登白帝城見賊掠於山谷問我軍遂巡其後無一人禦之者元吉不禁拊髀流涕痛吾謀之不用也獻賊營中飲

灝源囊卷一

三

酒鼓掌而歌以詆嗣昌曰前有邵巡撫常來團傳舞後有廖參軍不戰隨我行好箇楊閣部離我三天路嗣昌聞之弗恥也自是獻賊勢日益熾遂卷席以寇楚嗣昌自知喪師辱國力不能支乃自雲陽退師還楚顧賊行迅速當嗣昌未出蜀境而獻賊已抵宜城荆楚諸郡尙未知蜀軍敗亡狀也獻賊抵襄陽以賊三千詐爲督標叛兵先行囑之曰爾等前將近襄陽城若我兵與爾等戰爾卽佯敗此陷城計也復僞造督師閣部兵符令牌遣賊劉興秀領千餘人詐稱閣部調官兵叛兵前至襄陽城外次日興秀至乃卽與

叛兵交戰叛兵佯走興秀逐之旋抵城下發人遞兵符令牌入城城門啟興秀入爲內應次日獻賊至遂入城襄王闔府被害凡獻賊自開縣起營八日而破襄陽總之以有心之謀劫無備之城未有不陷信乎其爲狡賊也嗣昌罪不容誅矣嗣昌至沙市聞襄陽失守賊焚劫郡縣屠戮生靈勢焰日熾自知督師無效死有餘辜乃自殺監軍萬元吉封印劍具疏奏聞然其養寇喪師之狀帝蓋未悉也仍令湖廣撫臣宋一鶴委湖北道陳瑾諭祭文曰惟卿志切匡時心存許國入參密謀出典甲兵方期奏凱還朝圖麟銘鼎

灝源囊卷一

三

詎料謝世賣志淵深功未遂而勞可嘉人云亡而瘁堪憫爰頒諭祭特沛彝章英魂有知尙其祇服獻賊聞之撫掌大笑十六年癸未廣元總兵甘良臣通江副將丁顯爵因流賊求招安遣通江典史張環諭以恩信眾賊齊聚古寧寨迎良臣顯爵入營羅拜皆言願撫遣一條龍大黑虎等千餘人同甘丁差官張國藩梁漣赴成都受撫巡撫廖大亨曰流賊多詐每假招安以愚我兵少緩卽仍前攻劫欲加征討彼云已受招安否則肆其猖獗爲害愈甚不若斬此數賊以破奸謀並將一條龍甘丁差人等下獄賊聞卽欲害

良臣顯爵繼而羈良臣等於巴州黃城已乃泊酒逆
顯爵等回通江廣元眾賊仍於東達營渠巴儀蒼岡
南廣諸州縣攻寨洞肆殺劫掠所到之地數百里烟
火銃炮不絕初賊攻石公寨毀墓取棺板以遮矢石
開棺見一婦人容貌如生刺之血流被面賊驚問所
虜土人荅曰馮烈婦墓也其夫何象乾布政司史也
抱病成都馮接回延醫調治象乾病將革囑妻以後
事馮曰君他事無囑於我惟此孤兒宗祀所關我行
念之耳夫存我存夫亡我亡豈舍結髮之愛乎象乾
死馮氏棺殮畢請姑託幼子並拜伯叔孀母將從死

灤瀕囊卷一

三

姑孀咸慰止之馮曰已許夫死何可偷生遂縊死葬
石公山下今三年矣賊眾曰三年容色不改良爲貞
婦乃封其墓時撫院廖大亨已去新撫陳公士奇見
地方被賊蹂躪慘苦檄行府州縣衛嚴守城池鄉村
修寨堡互相守望救民之心甚切然而勢已不可挽
矣

劉堯草曰時窮見節義世亂識忠臣合觀篇中慷慨就死者張令汪雲鳳劉士傑郭開猛氏伯仲等
也從容就義者劉三策蘇瓊陳冊張廷耀錢相珂
暨陳孝子周烈女馮烈婦也皆死得其所乃余獨

痛張令勇冠三軍隱然爲楚蜀保障而抱志以歿
令死而楚蜀隨之矣他如楊嗣昌喪師辱國死有
餘辜古人云死或重於泰山或輕於鴻毛嗣昌輩
輕於鴻毛者也令等重於泰山者也君子於張令
之死恆三致意焉

灤瀕囊卷一

三

搖天動黃龍再寇巴蜀

明運將終災異迭見達州城濠水變成血劍州羣鬼夜哭以掌血印門遍城內外於六年夏四月搖黃等賊圍儀隴縣縣治卽山爲城官紳士庶保據縣後金城寨城本無隍又值經旬不雨人民阻渴外援不至時縣令畢九成頗得士庶心闔城無變志總兵甘良臣副將丁顯爵參將王祥偕統兵至寨下四面陡絕無門可入顯爵招鄉導詢以可進兵處對云土門稍平可進兵然欲得土門先攻海祈寺寺賊之營壘欲

灑瀕囊卷二

十一

取峯巒寺寺尤險得此兩寺以駐我兵然後賊可擊也誠攻上通梁賊必瓦解顯爵良臣布將卒因鄉導攻海祈寺黎明遂衝入賊營賊倉皇接戰官兵奮勇四戰四克奪其營壘王祥領精兵潛師抵峯巒寺賊尙歌飲官軍蜂擁而入賊棄營走追斬三百餘級生擒賊目黎虎板來虎麻山鶴三上天等八十七人盡釋被虜男婦尾賊於鹿山寨馬鹿坎顯爵令將士結連營以進每隊滾牌五面高五尺闊三尺精壯執牌於前大兵隨牌而進戰則遮矢矛守則相連爲營另設四營爲遊兵應援趨赴土門攻入賊壘賊潰官兵

乘勝遂衝上金銀坎賊退保大石坎官兵蜂擁而上賊走南觀牽生力賊冒死突圍王祥親督兵蹙賊賊眾大敗屍骸枕藉擒斬無數而金城寨之圍已解寨上被困二十三日一旦圍解兵民爭飲於泉激死甚眾賊遙與官兵相持數日乃分道遁震天王馬超邢十萬等走頂山奔川東遵天王逼反王黑虎混天星王光興走南部新鎮壩掠西充南充蓬州營渠廣安諸州縣楊三整齊王順虎混天星闖食王等走巴州走廣元通坪劫搶通江南江金溪隘遊擊安邦才與賊戰於分水嶺敗績賊奔清浴口掠三寶山突出閉

灑瀕囊卷二

二

溪人民不及逃被虜者十之五六有李氏者閉溪民陳有明妻也夫他出李氏攜囊中所餘金偕老姑弱妹妯娌行至金子石岩險路窄見賊五六人勢將追及李云姑等速去賊至矣眾婦女捨李氏逃竄李氏坐路旁懸石上擲金一半於地賊至李云現在之銀不知取起人何用賊見金爭拾之將盡又擲其半於地賊又爭拾之須臾而盡賊將逐逃走之人李曰汝等不過欲搜銀錢耳曷若到我家窖內取現成者耶賊喜從之隨行將所拾之金比其多寡相顧而笑不知李實捨死爲眾人脫身計所以擲金餌賊者將待